

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 213365 22 St
Zenica, 09.06.2025. godine

Općinski sud u Zenici, stečajna sutkinja Sanja Pavlić, u stečajnom postupku, nad društvom SIVA Global d.o.o., ul. Sarajevska broj 156., Mravići, Doboj-Jug, odlučujući o prijedlogu za zaključenje stečajnog postupka koji je podnesen od strane stečajnog upravitelja Hadžimehić Murisa, nakon održanog ročišta 17.04.2025. godine kome je prisustvovao stečajni upravitelj Hadžimehić Muris i za povjeritelja FZ PIO/MIO Kantonalna administrativna služba Zenica, punomoćnica Zlata Tuka, zaposlenica, donio je 09.06.2025. godine sljedeće:

R J E Š E N J E

Zaključuje se stečajni postupak nad imovinom društva SIVA Global d.o.o., ul. Sarajevska broj 156., Mravići, Doboj-Jug, namirenjem povjeritelja općeg isplatnog reda u iznosu od 21.650,30 KM, što u procentu iznosi 20,98 %.

Pravomoćno rješenje o zaključenju stečajnog postupka dostavit će se Registru društava ovog suda, radi brisanja stečajnog dužnika koji je upisan pod MBS: 43-01-0247-18.

Ovo rješenje će se objaviti u „Službenim novinama Federacije BiH“, WEB stranici suda i oglasnoj tabli suda. Po proteku roka od pet sljedećih radnih dana od objave na oglasnoj tabli suda i WEB stranici suda dostava se smatra izvršenom, a u „Službenim novinama Federacije BiH“, dostava se smatra izvršenom istekom pet dana od dana oglašavanja.

O b r a z l o ž e n j e

Ročište za glavnu diobu po Prijedlogu stečajnog upravitelja od 11.03.2025. godine, održano je 17.04.2025. godine. Stečajni upravitelj je na ročištu naveo da ostaje u cijelosti kod prijedloga za završnu diobu i zaključenje stečajnog postupka. Naveo je da će se dioba izvršiti na način da će povjeriocima biti isplaćen iznos u ukupnom iznosu od 21.650,30 KM, da su svi povjerioci općeg isplatnog reda i to: Porezna uprava F BiH, Kantonalni porezni ured Zenica, a u sklopu prijave Porezne uprave je i prijava FZ PIO/MIO KAS Zenica, u iznosu od 462,88 KM, SIHOLZ d.o.o. Doboj Jug, predviđeni iznos za isplatu je 19.784,89 KM, Ibrahimović Suljo, iznos od 1.322,24 KM i u UIO RC Tuzla, iznos od 80,28 KM, da su troškovi stečajnog postupka već određeni po rješenju od 12.03.2025. godine u iznosu od 10.100,50 KM.

Na ročištu punomoćnica povjerioca FZ KAS Zenica je postavila pitanje stečajnom upravitelju, zašto su potraživanja za penzijsko-invalidsko osiguranje priznata u iznosu od 462,88 KM. Stečajni upravitelj je izjavio da su potraživanja FZ PIO/MIO KAS Zenica priznata u okviru potraživanja Porezne uprave od 05.12.2022. godine u ukupnom iznosu od 2.205,47 KM, koja spadaju u opći isplatni red, te na osnovu učešća u ukupnom iznosu priznatih potraživanja, a na osnovu dostupnih sredstava za isplatu dodijeljen iznos za raspodjelu od 462,88 KM.

Punomoćnica PIO/MIO, Kantonalna administrativna služba Zenica, je izjavila da nema primjedbi na izvještaj stečajnog upravitelja kao ni na prijedlog glavne diobe, te da je saglasna da je današnje ročište ujedno i ročište za zaključenje stečajnog postupka.

Stečajni upravitelj je predložio da sud na ročištu da saglasnost na prijedlog glavne diobe kao i da se ne zakazuje posebno ročište za zaključenje stečajnog postupka nego da sud nakon što stečajni upravitelj izvrši diobu, dostavi sudu dokaze o izvršenoj diobi, donese odluku o zaključenju stečajnog postupka.

Sud je na ročištu donio rješenje kojim je dao saglasnost na glavnu diobu.

Stečajni upravitelj je 04.06.2025. godine u spis suda dostavio Prijedlog za zaključenje stečajnog postupka i dokaze o izvršenoj uplati općeg isplatnog reda u procentu 20,98 %.

Sud je izvršio uvid u gore navedene dokaze o uplatama, te kako nije bilo nikakvih prigovora na prijedlog za glavnu diobu i kako je izvršena podjela sredstava predviđenih za istu donio je odluku kao u izreci rješenja u skladu sa odredbom čl. 190 Zakona o stečaju („Sl. Novine F BiH“ broj: 53/2021), jer je prijedlog za zaključenje stečajnog postupka osnovan.

Na osnovu odredbe čl. 190. stav. 10. i 11. Zakona o stečaju rješenje o zaključenju stečajnog postupka i razlozi za zaključenje stečajnog postupka objavit će se na oglasnoj tabli suda, WEB stranici suda, Službenim novinama Federacije BiH” i dostaviti FIA-e, a po pravomoćnosti ovog rješenja Registru društava ovog suda radi brisanja stečajnog dužnika iz sudskog registra.

PRAVNA POUKA:

Protiv ovog rješenja žalba nije dopuštena,
u skladu sa čl. 23.stav1., u vezi sa čl. 190 stav1.
Zakona o stečaju.

Stečajna sutkinja
Sanja Pavlić